

外五

六科準繩



外科準繩卷五

金壇王肯堂輯 瘦樵程永培校

諸腫

無名腫毒者不拘於頭面手足胸腹等處焮赤腫硬結核疼痛又名腫瘍又名虛瘍也但腫無頭無面者俱是也腫勢盛者以稜鍼刺去惡血切不可火鍼烙之 惡寒發熱或頭疼或拘急宜表散之以荊防敗毒散 腫勢盛表裏俱實者追疔奪命湯 無表裏證腫勢盛者以兩面龜散 若暴發赤腫切不可鍼破只宜以洗腫方淋洗以八仙膏解毒丸等藥塗之 若急切卽用金腦香葉田茶菊搗酒煖服以渣敷患處以汁刷患處 尾脰骨處結毒如桃李之大紅赤焮痛不能行動此名病螻用芙蓉葉搗酒炒縛爛處以螻尾殼火煨存性爲末用麻油調搽卽愈大效 紫游虛瘍用魚苞子根煎水入酒和服又以水荔花葉赤子葉搗刷有熱者以追疔奪命湯加雞屎子雞距根 手背脚背腫大有赤痕如蝦之狀名病蝦證也用油炒鹽糟令香以熱湯淬之泡湯乘熱淋洗之卽消要服疔瘍藥 膝內臙近摺紋之處結核腫痛但核形長如魚之狀名上水魚以稜鍼亂刺去惡血以樗枯雷廷藤山樟子葉搗糟炒縛之又用山雷廷藤赤牛膝山蘇木樗枯搗鹽糟炒縛又方雷藤鼈尿藤根皮搗糟炒縛之又方魚苞子樗枯搗糟

炒縛之又方山雷廷根皮棒枯搗糟炒縛及用七聖膏敷之却以九金六馬散服之 遍身起如風疹疥
丹之狀其色白不痛但搔癢抓之起白疔名曰蛇虱用油穢田肥株山樟子葉樟樹葉柏葉煎水入些醋
洗之又方只用柏葉一味煎水洗更速也要服苦參丸蠟礬丸金銀皂角丸 脚背或脚趾腫痛不可忍
以脚高懸起其疼方止些若以脚垂下其疼不可當也名曰倒拔腫瘍先用兩面龜一味煎酒服次服兩
面龜散如不應以蛇薯磨酒服大效 耳中疼痛不可當者名曰腦裏虛瘍宜以金腦香根或葉搗爛入
井水少許濾去渣入片腦半分研勻滴入耳中即效又用根磨薄荷湯入少酒和服又用金雞舌苦參青
木香金鳳尾搗水入片腦少許和勻濾淨滴入耳中又服兩面龜散及以水圻子根煎水入酒和服 紫
游風用紫茶根皮搗水刷又方加紅心蜈蚣小金錢豆瓣草馬蹄草金鸞葉尾搗水入些醋煖刷之

附方

兩面龜散 治一切腫瘍焮赤無名腫毒疼痛者

兩面龜

雞屎子

雞距根

詐死子

真珠美

山烏豆

紫金皮

脫殼藤

魚桐根

山淡豉

連叉大青

沿地雞距

右水煎入酒和服

發熱加水圻根吉面消

骨裏痛加紫金藤馬

蹠金鐵馬鞭 又方加臭木待根山芙蓉根山芋根川山蜈蚣

雞尿子散 治虛瘍

雞尿子

詐死子

冬青根

楊香根

右水煎入酒和服

退熱消毒散 治無名腫毒發熱者

雞尿子

雞距根

水圻根

臭木待

白根子

山烏豆

苦花子

紫金藤

金腦香

吉面消

連叉大青

落鴉爪藤

大葉小青

過山龍梗

大葉金涼傘

右薄荷煎

服

天花刮毒散 治一切腫毒瘰癧赤疼痛

天花粉

黃柏各二兩

南星

赤芍藥

薑黃各一兩

爲末井水調

入醋少許和煖刷患處夏月冷刷亦可

退腫消核散 治一切無名腫毒及結核赤腫者

艮脚根 四兩

紫金皮

樟柳根 各一兩

右爲末用毛屎梯葉生地黃苦薄荷金腦香金



鳳尾地薄荷赤薺子尻池葉不拘二三味取葉搗米泔水入醋少許調勻煖刷 又方單用艮脚一味
爲末以生赤樟柳根磨米泔調塗更妙

消腫劫毒散 治一切無名腫毒虛瘍等毒

毛屎梯葉 七分 雞屎子葉 三分 右末用米泔水調溫刷

又方 生樟柳根爲末米泔水調溫刷或以毛屎梯葉同刷亦妙

〔丹〕卒腫起大痛芫青根大者杵之和苦酒如泥煮三沸帛上包之 葛氏 風毒腫三年苦酒濃煎蔥白以

布包熨腫上 外臺祕要 治一切熱毒腫商陸根和鹽少許傳之日再易 孫真人食忌 治一切毒腫疼痛不可忍

者搗草麻仁傳之立效 肘後方 治腫瘰癧子一升炒黃杵細以香油和如泥再炒令焦以舊布如腫之大

小攤之貼腫上勿開頭搗上 外臺祕要 治惡刺及狐狸刺毒腫取蒲公英英草根白汁傳之多塗立瘥余七月

十五日夜左手中指背揩著庭木痛不可忍十日後瘡日深漸高大痛欲死用此而安 孫方

〔經〕患熱腫水研山豆根濃汁塗乾再塗

〔衍〕臘月中以新瓦罐滿注熱水用朴硝二升投湯中攪散掛北簷下俟硝滲出罐外却收之以人乳汁

調半盞掃一切風熱毒氣攻注目臉及發頭面四肢腫痛應手神效



〔山〕腫毒或疼痛處以赤小豆爲末水調傳頻換或用香白芷水調傳尤妙 又方白芙蓉葉曬乾同皂角爲末水調傳

〔丹〕治諸處皮裏面痛何首烏末薑汁調膏以帛裹於痛處火炙皮鞋底熨之妙方經驗
治一切赤腫但癰毒結未成者並可消退

右用黃蜀葵花子不拘多少研細滴水令稀稠得中將絹帕子裹定旋搗所餘汁撲腫所四畔數撲之
犀角飲 治諸風腫

犀角一錢

元參

連翹

柴胡去苗各半兩

升麻

木通各七錢

芒硝生用

麥門冬去心各一兩

沉香

檀香

射干

甘草炙各二錢半

右剉碎每服五錢七水一盞半煎至八分去滓食後溫服及夜食

後各一服利多卽減一名犀角湯無檀香

熨風散 治諸瘡因風致腫

羌活

防風

白芷

吳茱萸

細辛

當歸

芍藥

芫花

官桂各等分

右爲麤末作一劑赤皮蔥連鬚



細切半斤同醋拌勻炒令極熱帛裹於瘡上熨之稍冷卽換藥再熨之上下痛止

蠶沙熨方 治風腫

晚蠶沙

鹽各不拘
多少

右相和炒熱布裏熨之冷卽再炒各入醋少許尤佳

水澄膏 治熱腫痛大效

大黃

黃柏

鬱金

天南星

白芫

朴硝

黃蜀葵花 各一兩

右爲細末每用新水一盞半藥末二錢攪調勻候澄底者去淨

水以紙花子攤於腫焮處貼之如急燥津唾潤之此藥除熱毒赤腫神效如皮膚白色者勿用

石癰石疽

謂癰疽腫硬如石久不作膿者是也

犀角湯 治石癰熱毒氣盛腫硬疼痛口乾煩悶

犀角 鎊

木香 各七錢半

連翹

梔子仁

射干

當歸 切焙

升麻

赤芍藥

元參

枳殼 麩炒

甘草 生各一兩

大黃 炒二兩

右剉碎每服三錢水一盞煎至六分去滓不拘時溫服

黃連散 治石癰結硬發熱紫赤色毒氣攻衝未定日夜疼痛宜用此消腫化毒止痛

黃連

川大黃生

白斂

馬牙硝

黃柏各一兩

麒麟竭

青鹽各半兩

赤小豆半合炒熟

杏仁四十九粒湯浸去皮尖研

右為細末蜜水調塗乾即易之

大黃散 治石癰腫硬疼痛心腹煩悶不得宣暢

川大黃一兩炒

川芒硝

黑豆皮

枳殼去瓢麩炒各半兩

牛蒡子微炒

當歸

芎藭各二錢半

甘草生剉半兩

右剉碎分作三服每服水一盞煎至五分去滓不拘時溫服以利為度

治石癰堅如石未作膿者

右用生商六根不拘多少熟搗傅之乾即易取軟為度及治濕漏諸瘡癰羊城人用此方取效者多

沉香湯 治石疽腫毒結硬口乾煩熱四肢拘急不得臥

沉香

防風去叉

木香各七錢半

麥門冬去心

當歸切焙

枳殼麩炒

獨活去蘆

羚羊角屑

升麻

元參

地骨皮

赤芍藥

甘草生剉各一兩

大黃剉炒二兩

右剉碎每服四錢水一盞半煎至七分去滓不拘時溫服

療疽風疽

療疽者肉中忽生點子如豆粒小者如黍粟大者如梅李或赤或黑或青或白其狀不定有根不浮腫痛

外科準繩

卷五石癰

石疽 療疽

四



中國醫藥大學圖書館版權所有

傷之應心根深至肌經久便四面悉腫炮黯熟紫黑色能爛壞筋骨若毒散逐脈入臟殺人南人名爲揚
著毒厚肉處卽割去之亦燒鐵烙之令焦如炭或灸百壯或飲葵根汁或飲藍青汁若犀角汁及升麻汁
竹瀝黃龍湯諸單方治專去其熱取瘥其病喜著十指故與代指相似人不識之呼作代指不急治之亦
逐脈上入臟殺人南方人得之皆斬去其指初指頭先作黯瘡後始腫赤黑黯瘡痛入心是也

治瘰疽祕方

射干

甘草

枳實

升麻

乾地黄

黃芩各二兩

麝香二分

前胡三分

犀角六分

大黃一錢

右十味咬咀以水九升煮取三

升下大黃一沸去滓納麝分三服瘥止不限劑數此方世所不傳神良

外臺無黃芩深師加黃芩麻黃白薇枳實升麻松葉

射干散 治瘰疽皮肉中忽生點子如麻豆大或如桃李腫痛不可忍

射干

川升麻

枳實麩炒

川大黃剉微炒

甘草生用各一兩

麝香細研二錢半

前胡去蘆一錢半

羚羊角屑七錢半

右剉碎入麝香令勻每服四錢水一中盞煎

至六分去滓不拘時溫服

丹砂膏 治瘰疽

丹砂細研

射干

大黃剉炒

犀角屑

前胡去蘆

升麻

芎藭

黃芩去黑心

沉香

木香各一兩

生地黃二兩

麝香一錢二分半研

豬脂二斤半

右除丹砂麝香豬脂外剉碎以醋半升和勻浸

宿先熬脂令沸次下諸藥煎候地黃赤黑色以綿絞去滓入丹砂麝香末以柳篋攪勻磁盒盛傳患處日三五上又取藥如棗大以溫酒調空心日午服一方溫水調下半匙

治療疽諸疽十指頭焮赤痛癢方千金翼名豬蹄湯

白芷

大黃

芎藭

黃芩

黃連

甘草

細辛

藁本

當歸

藜蘆

莽草各一兩

右十一味咬咀以水二斗先煮豬蹄一具取一斗煮藥取五升浸瘡卽瘥

又方 竈屋塵

竈突墨

釜下土各一升

右三味合研令勻以水一斗煮三沸取汁洗日三四度

治療疽著手足肩背忽發暴癰如赤豆剝之汁出者方

鯽魚長三寸者一尾

亂髮雞子大

豬脂一升

右三味煎爲膏傳之

又方 熬燕菁子搗碎布裏展轉傳上良



又方 以麻子熬作末傳上良

又方 以猪膽傳之良

又方 亂髮灰服方寸匕日三亦治發背

又方 煮芸薹菜取一升服之并食乾熟芸薹數頓少與鹽醬冬月研子水和服之

又方 枸杞根并葵根葉煮汁煎令如糖隨意服之

治疽潰後方

以鹽湯洗拭後燒皂莢灰粉上之良

又方 牛耳中垢傳之良

又方 梁上塵和車軋中脂傳之

又方 以生麻油滓綿裹布瘡上蟲出

治疽似癰而小有異膿如小豆汁今日去明日滿者方

芸薹熟搗濕布袋盛之埋熱灰中更互熨之不過再三度安瘡冬用乾者

又方 皂莢煎湯洗瘡拭乾以柏皮爲末傳之勿令作痂



治疽卒著五指筋急不得屈伸者方

灸踝骨中央數十壯或至百壯

反花瘡

瘡有努肉凸出者是

〔薛〕翻花瘡者由瘡瘍潰後肝火血燥生風所致或瘡口努肉突出如菌大小不同或出如蛇頭長短不一治法當滋肝補氣外塗藜蘆膏努肉自入須候元氣漸復膿毒將盡塗之有效不然雖入而復潰若誤用刀鍼蝕藥灸火其勢益甚或出血不止必致寒熱嘔吐等症須大補脾胃爲善 判官張承恩內股患癰將愈翻出一肉如菌余曰此屬肝經風熱血燥當清肝熱養肝血彼謂不然乃內用降火外用追蝕蝕而復翻翻而復蝕其肉益大元氣益虛始信余言遂內用梔子清肝散外用藜蘆膏而痊 一上舍素膏梁善怒耳下結一核從潰而瘡口翻張如菌焮連頭痛或胸脅作脹或內熱寒熱或用清熱消毒之藥年餘未瘥余用補中益氣湯六味地黃丸而尋愈 一男子背瘡斂如豆許翻出肉寸餘用消蝕割繫法屢去屢大此肝經血虛風熱余用加味逍遙散三十餘劑塗藜蘆膏而消又用八珍散倍用參耆歸朮而斂 一婦人素善怒臂患癰瘡口出肉長二寸許此肝脾鬱怒氣血虛而風內動用加味逍遙散塗藜蘆膏而愈後因怒患處脹悶遍身汗出如雨此肝經風熱風能散氣故耳仍用前散并八珍湯而愈 一男子

項患腫痰涎湧甚用散堅行氣等劑腫硬愈甚喘氣發熱自汗盜汗體倦食少余曰此屬足三陰虧損當滋化源不信反追蝕患處開翻六寸許鑿巖色赤口出鮮血三月餘矣肝脈弦洪緊實余用大補湯加麥門五味五十餘劑諸症漸愈血止三四復因怒飲食頓少其血湧出此肝傷不能藏脾傷不能攝也用補中益氣湯為主加五味麥門其血頓止再以六味丸加五味子常服瘡口斂至寸許遂不用藥且不守禁而歿

藜蘆膏治一切瘡疽努肉突出不問大小長短用藜蘆一味爲末以生豬脂和研如膏塗患處周日易之
臙脂散 治反花瘡

臙脂

貝母

胡粉各一分

硼砂

沒藥各半分

右研細先以

溫漿水洗拭後傳藥

甘草塗傳方 治反花瘡

甘草半生半炒

礬石灰

人中白

蜜佗僧各半兩

右爲細末以童子小便半盞

以無灰火熬用竹篋攪成膏取塗瘡上日五次

惡實根塗傳方 治反花瘡並諸瘡積年不瘥者

惡實根

研末四兩

猪脂

二兩

右調和如糊塗瘡上日三四次

諸瘡努肉如蛇頭出數寸者硫黃末傳之即縮

聖惠

瘡有肉凸出烏梅燒灰爲末傳之立盡

鬼遺

梅肉汙細入蜜捏成餅如錢大貼之妙

聖惠

〔梅〕治反花瘡馬齒竟一斤燒灰細研猪脂調傳

〔世〕瘡凸出寸許根如小豆或大如梅者用花脚蜘蛛絲纏其根則漸乾而自脫落

多骨疽

〔薛〕多骨疽者由瘡瘍久潰氣血不能榮於患處邪氣陷襲久則爛筋腐骨而脫出屬足三陰虧損之症也用補中益氣湯以固根本若陰火發熱者佐以六味丸壯水之主以鎮陽光陽氣虛寒者佐以八味丸益火之源以消陰翳外以附子餅蔥熨法祛散寒邪補接榮氣則骨自脫瘡自斂也夫腎主骨若腎氣虧損其骨漸腫荏苒歲月潰而出骨亦用前法若投以剋伐之劑復傷真氣鮮有不誤者 舉人於廷器腿患流注年餘出腐骨少許午前畏寒午後發熱口乾唾痰小便頻數余以爲足三陰虧損朝用補中益氣湯夕用六味丸料加黃耆當歸五味子各三十餘劑外用豆豉餅諸症漸愈又以十全大補之類進之慎疾而愈 一儒者患附骨疽失於調補瘡口不斂日出清膿少許已而常出三腐骨其脈但數而無邪此



氣血虛瘡結膿管而不能愈經以烏金膏日服十全大補湯而愈 上舍王廷璋患前症三年未愈肢體消瘦飲食難化手足並冷大便不通手足陰冷余謂此陽氣虛寒用補中益氣湯八味丸仍灸其患處而痊 一男子上腭腫硬年餘方潰內熱作渴肢體消瘦大脈洪大左手尤甚用補中益氣湯六味丸出腐骨一塊仍服前藥諸症悉去瘡口亦斂 一男子十六歲足間腫黯潰而露骨體瘦盜汗發熱口乾用十全大補湯六味地黃丸各五十餘劑而愈不然多變癰症或瀝盡氣血而亡 一男子自十四歲閃足腫痛服流氣飲外敷寒涼腐潰而至十六瘡口開張足背漫腫黯黑骨露出形體消瘦盜汗不止發熱口舌乾燥天真已喪用十全大補湯六味地黃丸各五十餘劑元氣漸復患處漸赤脫落骨一塊又各五十餘劑始愈 一婦人年三十餘素弱左手背漸腫二年後潰出清膿腫黯連臂內熱晡熱自汗盜汗經水兩月一至此肝脾氣血虧損朝用歸脾湯夕用逍遙散腫虛頻用蔥熨法兩月餘諸症漸愈瘡出腐骨仍服前藥前後共三百餘劑得愈

時毒

時毒者爲四時邪毒之氣感之於人也其候發於鼻面耳目焮赤腫痛重則咽喉頸項亦腫或漫腫無頭或結核有根令人憎寒發熱頭痛或肢體痛恍惚不寧咽喉閉塞醫人不識謂之傷寒便服解熱之劑一

二日間腫勢益增始知藥誤原夫此疾古無方論初發狀如傷寒五七日間乃能殺人若能延至十日之外者不治自愈也五日以前精神昏亂咽喉閉塞語聲不出頭面益腫食不知味者必死雖欲治之無功矣然此疾有陰有陽有可汗有可下粗工不識但云熱毒只用寒涼之藥殊不知病有微甚治有逆從不可不審也 脈浮數者邪在表也用葛根牛蒡子湯解毒升麻湯升麻牛蒡子散之類以發之 脈沉實而便秘者邪氣在裏也宜梔子仁湯 脈沉瀉者邪氣入深也宜漏蘆湯大黃湯 表實而不解者散之以芩連敗毒散 裏實而不利者下之以五利大黃湯 表裏俱實而不解者解表攻裏以通聖消毒散

表裏俱解而不消者和之以劫瘴消毒飲 腫甚焮痛者砭去惡血更用消毒以普濟消毒飲次用芩

神散 頭面耳項赤腫作痛咽乾發熱脈浮數以黃連敗毒散次以劫瘴消毒散七神散 腫痛發熱作

渴脈實便秘者以五利大黃湯次以追疔奪命湯又次以水邊嫩柏根水煎入酒和服 腫痛發熱脈浮

數以芩連敗毒散次以退熱消毒飲又次以七神散 焮腫脹痛作渴寒熱便秘脈數按之尤實以通聖

消毒散次以芩連消毒散又次以七神散 腫勢已盛大熱脈實者先宜砭去惡血次以洗瘴散洗之消

腫散刷之却以蛇不見根同白梅搗傳牙斷含去涎初服追疔奪命湯次服七神散萬病解毒丸 表邪

已解腫尙不退脈滑而數乃瘀血欲作膿也以託裏消毒散潰之若脈浮數或洪數者不可託之宜消之

以烏菝子根水煎服又方以谷藤根水煎服及用祛瘴散服之 又宜於鼻內搗通氣散取十餘噓作效
搗藥不噓者不可治如噓出膿者治之必愈左右之人每日用噓藥搗之必不傳染其病人亦每日用噓
藥三五次以泄熱毒此治時毒之良法也 經三四日不解者不可大下猶宜和解之犀角連翹散之類
至七八日大小便通利頭面腫起高赤者可服託裏散黃耆散

〔發表〕一人頭面腫痛服硝黃敗毒之劑愈甚診之脈浮數邪在表尙未解用荆防敗毒散二劑勢退大
半更以葛根牛蒡子湯四劑而痊經云身半以上腫天之氣也身半以下腫地之氣也乃邪客心肺之間
上攻頭目而爲腫此感四時不正之氣也與膏粱積熱之證不同硝黃之劑非大便秘實不可用若不審
其因及辨其虛實表裏概用攻之必致有誤常見飢饉之際芻蕘之人多患之乃是胃氣有損邪氣從之
不可不察 一人腫痛發寒熱脈浮數以荆防敗毒散二劑少愈再用人參敗毒散二劑勢減半又二劑
而痊 一人耳面赤腫作痛咽乾發熱脈浮數先以荆防敗毒散二劑勢退大半又以葛根牛蒡子湯四
劑而痊

一人冬月病頭面赤腫耳前後尤甚痛不可忍發熱惡寒牙關緊急涕唾稠粘飲食難下不得安臥醫砭
腫上四五十鍼腫赤不減痛益甚予診其脈浮緊按之洪緩知爲寒覆皮毛鬱遏經絡熱不得升聚而赤